

Akileraarusiinernik Aalajangiisartut aalajangiinerat

Kinaassutsimik uppernarsaaneq:	2025-14073
Aalajangiisoqarpoq:	22-10-2025
Aalajangiinerup tamanut saqqummiunneqarnera:	15. Marsi 2026
Ukiut aningaasarsiorfiusut:	2020, 2022 aamma 2023
Qulequtaq:	Akileraarutit
Sammisami oqaatsit atorineqartut:	Ingerlatsinermit aningaasartuutit (suliffeqarfimmi amigartoorutit)

Eqikkaaneq

Maalaarut ingerlatsinermit aningaasartuutit ilanngaatiginissaannut tunngasuvoq. Maalaaruteqartup avataasiorluni aalisarnermi suliffeqarfia ukiuni arlalinni isertitaqarsimanngilaq Akileraartarnermullu Aqutsisoqarfiup ingerlatsinermit aningaasartuutit nammineerluni nalunaarsuiffimmi inuttut aningaasartuutit ilanngaatigineqarsinnaasutut isigisinagit. Maalaaruteqartoq isumaqarpoq ingerlatsinermit aningaasartuutit nammineerluni nalunaarsuiffimmi ilanngaatigineqarsinnaasut. Angallat aserorsimammat suliffeqarfik isertitaqarsimanngilaq. Ingerlatsinermit aningaasartuutit ilanngaatigineqarsinnaannginneri Akileraarusiinernik Aalajangiisartut aalajangiussimavaat. Maalaaruteqartup suliffeqarfia imminut akilersinnaasimanngilaq aamma taamaalinissaa ilimanaateqarsimanani, tassa suliffeqarfimmi isertissutaasinnaasunik ingerlataqanngimmat. Aningaasartuutit naammagittaalliuutigineqartut 2020, 2022 aamma 2023 tassaapput suliffeqarfiup unereernerani pisut, taamaattumillu suliffeqarfimmi ilanngaataasinnaasutut isigineqarsinnaanatik.

Suliassami pissusiviusut

Maalaaruteqartoq aapparisami suliffeqarfiani namminersortumi akissarsiortuusimavoq paasissutissallu nalunaarutigineqarsimasut malillugit imatut A-nik isertitaqarsimalluni 340.451, kr. 361.493, kr. 418.363, kr. 405.380 aamma 318.638 kr.-it ukiuni aningaasarsiorfiusuni 2020 – 2024.

Maalaaruteqartoq januarip aallaqqaataani 2000-mi avataasiorluni aalisarnermi namminersortutut suliffeqarfeqartutut nalunaarsugaasimavoq. Suliffeqarfik 2025-mi suli ingerlasutut nalunaarsorneqarsimavoq.

Piffissami aggustip 18-iani 2021-miit majip 20-ianut 2022-mi maalaaruteqartoq aamma soqutigisaqartutut ingerlatseqatigiiffimmi piginneqataasutut nalunaarsugaasimavoq.

Maalaaruteqartup suliffeqarfimmi amigartoorutai nammineerluni nalunaarsorpai -24.341, kr. -79.193, kr. -31.407 aamma kr. -nit -44.435 kr.-it ukiuni aningaasarsiorfiusuni 2020 – 2023. 2021-mi amigartoorutit nammineerluni nalunaarutigineqartut 35.500 kr.-nit soqutigisaqartutut ingerlatseqatigiiffimmut tunngasuusimapput.

Amigartoorutit tassaasimapput nammineerluni nalunaarsuiffimmi ilaatigut inissamik attartornermut, hotellimi najugaqarnermut aamma biiliniq attartornermut ingerlatsinermit aningaasartuutit. Ukiuni aningaasarsiorfiusuni naatsorsuutini allanneqartunik allanik nammineerluni nalunaarsuisoqanngilaq tamannalu pillugu suliffeqarfimmi aamma kaaviaartitsisoqarani. Nammineerluni nalunaarsuiffimmi kingullermik kaaviaartitat tassaasimapput ukiumi isertitaqarfiusumi 2013-mi tunisinemeersut aamma ukiumi isertitaqarfiusumi 2014-mi akuersissummik tunisinermi isertitat.

Ukiumi isertitaqarfiusumi 2021-mi suliffeqarfimmi amigartoorutit pillugit ilanngaateqarnissamut Akileraartarnermut Aqutsisoqarfik 2023-mi isummerpoq. Ilanngaatisaqq itigartinneqarpoq.

Ukiunut isertitaqarfiusunut 2020-mut, 2022-mut 2023-mullu suliffeqarfiup amigartoorutitut ilanngaataanut Akileraartarnermut Aqutsisoqarfik 2025-mi isummerpoq. Ilanngaatisaqq itigartinneqarpoq.

Naammagittaalliuuteqartup paasinninnera

Aningaasartuutit akilerneqarsimasut ingerlatsinermi aningaasartuutitut ilanngaatigineqarsinnaapput, tassa:

- Angallat aserorsimammat suliffeqarfik isertitaqarsimanani.
- Angallatip isaterneqarnissaata akuersissutip utaqqineqarnerani suli aningaasartuuteqarpoq.

Inatsisitigut malittarisassanut inatsisillu tunngavigalugit sulinermut innersuussinerit

Aningaasarsiat akileraarutaasussat suliffeqarfimmi akileraarutaasussat:

Aningaasarsiat akileraaruteqaataasussat, aningaasaanersut imaluunniit pisuussutaagunik aningaasanik naliiunersut apeqquaatinnagit, akileraartartup ukiumut isertitaanut tunngapput. Isertitat taamaallaat akileraaruteqaataassanngillat akileraartarnermut inatsimmi taamatut allassimasoqarpat. tak. § 13, imm. 1 Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi kingusinnerusukkat allannguuteqartumi (Aningaasarsianit akileraarutit pillugit inatsit).

§ 13. Aningaasarsianut akileraaruteqaataasussanut ilaapput, Inatsisartut inatsisaat manna malillugu ilaasussaataaangitsut killiliinerillu kisiisa pinnagit, akileraartussaataasup ukiumut aningaasarsiai tamarmiusut, Kalaallit Nunaannit pisuuneri pisuunnginneriluunniit, aammalu aningaasaanersut imaluunniit pisuussutaagunik aningaasanik naliiunersut apeqquaatinnagit.

Isertitanit akileraarusiisarnermut inatsimmi § 14-imi isertitat akileraaruteqaataasussat pillugit assersuusiaqarpoq kisianni taagukkat tamakkiisuunngillat. Akerlianilli isertitat akileraaruteqaataasussaannngitsut pillugit taagukkat tamakkiisuupput.

Aningaasarsiat akileraaruteqaataasussat naatsorsorneranni ingerlatsinermi aningaasartuutit inatsimmi allaaserineqartumi aningaasarsiornermi aningaasarsiat piniarnerannut, isumannaarnissaannut allanngutsaaliorniarnernullu aningaasartuutit atorneqarsimasut ilanngaatigineqarsinnaapput, takuuk Aningaasarsianit akileraarutit pillugit inatsimmi § 24 imm. 1 nr. 1.

§ 24. Aningaasarsiat akileraaruteqaataasussat naatsorsorneranni ilanngaatigineqarsinnaapput:
1) Ingerlatsinermi aningaasartuutit, tassa imaappoq aningaasarsiat piniarnerannut, isumannaarnissaannut allanngutsaaliorniarnernullu ukiup ingerlanerani atorneqarsimasut, taakkununga ilanngullugit akileraartarnermi nalikilliliinerit. Akileraartarnermi nalikilliliinernut maleruagassiat aammalu pigisat nalikilliliiffigineqarsinnaasut allamut tunineranni il.il. iluanaarutit annaasaqaatilluunniit akileraartarnermut tunngasumik suliarineranni maleruagassat naalakkersuisut aalajangissavaat,
2) aningaasat akileraartussaataitap pigisaanik, iluanaarutitaat aningaasarsiatut isigineqartunik, aserfallatsaalisaanermut sillimmasiinemulluunniit atorneqarsimasut, aammalu
3) akiitsut erniaat, taakkunungalu atatillugu sullissinermut matusissutissatut ingerlaavartumik ernialiuttakkat (løbende provision).

Ingerlatsinermi aningaasartuutitut ilanngaatit pillugit inatsimmut tunngavigineqartumut nassuiaatit inatsimmi aalajangersakkap imarisaanik nassuiaapput:

Aalajangersagaq akileraarutitigut aningaasartuummut taaguummumut tuungavissiivoq.

Aningaasartuutit ukiup ingerlanerani atorneqarsimassapput. Ukioq innersuussutigineqartoq tassaavoq ukioq aningaasarsiorfiusoq, tassaniilu allanneqassallutik, piffissaq naatsorsuiffiusumi malittarisaq pingarneq tassaavoq

qaammadini aqqaneq marlunni piffissaq. Aningaasartuut qaqugu atorneqassava, aningaasartuutip suussusianut piffissalersuisarnermi tunngaviusut atuuttut apeqqutaapput. Aningaasartuut ukiumut aningaasarsiorfiusumut attuumassuteqassasoq piumasaqaataangilaq, tamanna pillugu aningaasartuut ukiumut aningaasarsianut sunniuteqangilaq imaluunniit aningaasat aningaasartuutitut matusissutaasussat ukiumut aningaasarsiorfiusumit aallaaveqassapput.

Tamanna pillugu nammineq inuttut aningaasartuutit avataaniipput, soorlu nerisassat atisallu aamma ineqarnermut akiliummut assigisanulluunniit aningaasartuutit. Aammattaaq aningaasartuutit suliffeqarfimmik pilersitsiniarnermut siunertaqartut, avataaniipput, taamatullu suliffeqarfiup atorunnaarsinneranut aningaasartuutit.

Kisianni aningaasartuutit, suliffeqarfimmi maannakkut pissusiusunut siunertaqarpata, ingerlatsinermi aningaasartuutitut ilanngaatigineqarsinnaapput.

Ilanngaateqarsinnaanermut piumasaqataavoq, aningaasartuut aningaasarsiarlu imminnut qanimut attuumassuteqassammata, pissutigalugu aningaasartuut aningaasarsiniarnermut atorneqartussaammat. Matumuuna aningaasartuutip aningaasarsiallu akornanni atassuteqarneq piumasaqaataanera, eqqartuussisarnermi suleriaatsimi imatut oqaatigineqarpoq, atassutseqaat soorlu aalajangersimasuulluni erseqqilluniluunniit, ersarilluni paatsuugassaanani, toqqaannarluni, qanilluni imaluunniit erniinnaarluni.

Piumasaqaammi pineqarpat, pissarsiniarnermut, aningaasarsiornerup ataatsimoortinnissaa qulakkeerniarlugu atatinniarlugulu aningaasartuutit atorneqassasut, ingerlatsinermit aningaasartuutit oqaatigineqartuni takuneqarsinnaavoq, akerlianilli aningaasarsiat pisuussutinipput inuullu namminerisaminik atuinerani, taamaattumillu pissarsiniarnermut, qulakkeerinermit pisuussutillu ataatiinnarniarnerinut inuullu namminerisamik atuinera ingerlatsinermit aningaasartuutitut ilanngaatigineqarsinnaanngillat.

Oqaaseq aningaasarsiat isertitanut akileraarusigassaanut taamaallaat innersuussivoq, aamma isertitanut akileraarusigassaanngitsut pinnagit, taamaattumik aningaasartuutit pissarsiniarnermut, qulakkeerinninnermut pigisanullu allanngutsaaliuinermit atukkat, akileraaruteqartinnagit tunineqarsinnaasut, ilanngaaserneqarsinnaanngillat.

Oqaaseq ingerlatsinermit aningaasartuutit piumasaqaammit imaqarpoq, aningaasartuutit ingerlatsinermit, aningaasarsiniarnermit soqutigisallu akilernerqassasut, aamma nammineq atuneq pinnagu. Tamanna pillugu tunngaviuvoq imaluunniit piumasaqaataavoq tamakkiisumik ilaannakuusumilluunniit ilanngaateqarnermit, inuussutissarsiutigalugu suliaqarnermi imaluunniit inuussutissarsiuteqarnermit tunngasunik siunertaqarluni suliaqarnermi aningaasartuut akilernerqartoq, imaappoq suliaqarneq, imatut siunertaqartumik, tassami ungasinnerusoq isigalugu tassaavoq, ilanngaateqareerluni sinneqartoorutinik iluanaarniarneq.

Tamatuma malitsigisaanik, aningaasartuutit inuussutissarsiummik ingerlatsinikkut akilernerqassapput. Piviusumik aamma inuussutissarsiutinut tunnganngitsut aningaasartuutaat ilanngaatigineqarsinnaaneri akuerisaapput, matumani isertitat akileraataasussasut tassa Aningaasarsianit akileraarutit pillugit inatsimmi § 13-mi naapertuuttut.

Aningaasartuutit isertitanut naapertuuttumik taamaallaat ilanngaatigineqarsinnaapput, tassa imaappoq inuussutissarsiutaanngitsut soorlu assersuutigalugu sunngiffimmi suliffeqarfiit assigisaallu amigartooruteqarnermi ilanngaatigineqarsinnaanngillat.

Nassuiaatini takuneqarsinnaavoq, ilanngaateqarnissamut ningaasartuutit akilernerqartut ukiumullu aningaasarsiat ataqatigiissasut piumasaqaataasoq. Ataqatigiinnera tamanut ersarippoq, soorlu assersuutigalugu piniutinut atortunut aningaasartuutit akilernerqartarput aalisakkanillu tunisisoqarluni. Kisianni aningaasartuutit allat, soorlu assersuutigalugu hotelimi najugaqarneq biilinillu attartorneq ukiumut aningaasarsianut toqqaannartumik

atassuteqanngillat. Matumani aningaasartuut inuussutissarsiutigalugu aningaasarsianut attuumassuteqarnerisooq nalilersorneqassaaq.

Aningaasarsiornermut tunngaviusup pilersinneranut atorunnaarsinneranulluunniit aningaasartuutit, aamma ingerlatsinermit aningaasartuutit ilanngaatineqarsinnaanngillat, ukiumut aningaasarsiorfiusumut toqqaannartumik erninnaartumik attuumassuteqanngimmata.

Suliffeqarfimmut atorunnaariartortumut piffissami sivikitsumi sioqqullugu kingoqqullugulu nalinginnaasumik ingerlatsinermit aningaasartuutaajumaartunut ilanngaasiineq suleriaatsimi akuerineqartarpoq. Soorlu assersuutigalugu pisiniarfiup initaasa attartornerinut aningaasartuutaasinnaapput, pisiniarfiup ammarnissaa sioqqullugu pisiniarfiup aaqjissuunnissaanut, imaluunniit pisiniarfiup atorunnaarnerata kingorna attartornermut piffissami taamaatitsinermit piffissaqassaaq.

Akilerarusiinermit Aalajangiisartut naliliineri tunngavilersuutaalu

Ingerlatsinermit aningaasartuutit inuussutissarsiornikkut suliffeqarfimmi aningaasarsiat inuussutissarsiutit aserfallatsaaliuinernulluunniit atorneqarsimappata, taava ilanngaateqartoqassaaq. Inuussutissarsiutigalugu suliffeqarfik akileraartarnerisooq eqqarsaatigalugu suliffeqarfittut tamakkiisumik pimoorussisumillu ingerlatsisussaavoq

Suliffeqarfik oqaatineqarpoq "avataasiorluni aalisarnerusooq", kisianni aalisarnikkut kaaviiartitat imaluunniit suliffeqarfimmi suliarineqartut allat oqaatineqanngillat. Suliffeqarfiup ataannarnissaanut – soorlu aamma maalaaruteqartup nammineq ataannarnissaanut – taamaammat allamiit aningaasalersuineq aalajangiisuvoq. Taamaattumik Akilerarusiinermit Aalajangiisartut inerniliuppaat suliffeqarfik imminut ingerlassinnaanngitsutut, ingerlassinnaanaviannngitsutullu tassami suliffeqarfik isertitaqarfiunngimmat.

Aningaasartuutit ilaatigut hotelimik najugaqarnermit biilinillu attartornermut tunngassuteqarput, Sussusii eqqarsaatigalugit avataasiorluni aalisarluni suliaqarnermit ingerlatsinermit aningaasartuutit ilanngaatineqarsinnaasutut isigineqarsinnaanngillat. Inissap attartorneranut aamma umiarsuup radiuanut aningaasartuutit aamma akilerneqarsimapput, suussutimitut aningaasartuutit ilimagineqarsinnaasooq avataasiorluni aalisarnermit suliaqarnermit ingerlatsinermit aningaasartuutit ilanngaatineqarsinnaasooq. Taamaattorli 2013-mi tunisinikkut (kaaviiartitat) kingullermik 2014-milu akuersissummik tunisaqarnikkut isertitsisoqarpoq, tamatuma kingorna suliffeqarfiup avataasiorluni aalisarnera atorunnaartutut isigisariaqarpoq. Aningaasartuutit naammagittaalliutitigineqartut 2020, 2022 aamma 2023 tassaapput suliffeqarfiup unereernerani pisut, taamaattumillu suliffeqarfimmi ilanngaataasinnaasutut isigineqarsinnaanatik.

Akileraartarnermit aalajangiisartut aalajangiinerat

Ukiunut 2020, 2022 aamma 2023-mut Ingerlatsinermit aningaasartuutit ilanngaateqartinnissaanut Akileraartarnermit Aqutsisoqarfiup itigartitsissutaa **attanneqarpoq**. Taamaallilluni naammagittalliorput Akilerarusiisarnernik Aalajangiisartunut naammagittaalliutaa ilalernerqanngilaq.

Inatsisitigut tunngavigisat: § 24 aningaasarsianit akilerarutit pillugit Inatsisartut inatsisaanni nr. 12, 2. november 2006-imeersooq kingusinnerusukkullu allannguuteqartoq.